

Na osnovu člana 10. stav (2), člana 30. stav (1) tačka a), člana 52. stav (2) i člana 68. stav (4) Zakona o državnoj službi u Tuzlanskom kantonu („Službene novine Tuzlanskog kantona“, broj: 7/17), Vlada Tuzlanskog kantona na sjednici održanoj dana 12.06.2017. godine, donosi

**U R E D B U**  
**O IZMJENAMA I DOPUNAMA UREDBE**  
**O POSLOVIMA OSNOVNE DJELATNOSTI, DOPUNSKIM POSLOVIMA OSNOVNE**  
**DJELATNOSTI I POSLOVIMA POMOĆNE DJELATNOSTI IZ NADLEŽNOSTI**  
**ORGANA DRŽAVNE SLUŽBE U TUZLANSKOM KANTONU KOJE OBAVLJAJU**  
**DRŽAVNI SLUŽBENICI I NAMJEŠTENICI, USLOVIMA ZA VRŠENJE TIH**  
**POSLOVA I OSTVARIVANJU ODREĐENIH PRAVA IZ RADNOG ODNOSA**

**Član 1.**

U Uredbi o poslovima osnovne djelatnosti, dopunskim poslovima osnovne djelatnosti i poslovima pomoćne djelatnosti iz nadležnosti organa državne službe u Tuzlanskom kantonu koje obavljaju državni službenici i namještenici, uslovima za vršenje tih poslova i ostvarivanju određenih prava iz radnog odnosa, broj: 02/1-05-12767/17 od 23.05.2017. godine, u članu 27. u stavu (1) iza riječi „državni službenici“ dodaje se tekst „i poslove lica koja nisu državni službenici, utvrđenih u odredbama članova 13. do 20.“.

U stavu (2) iza riječi „državne službe“ dodaje se tekst „i poslova lica koja nisu državni službenici“.

**Član 2.**

U članu 29. stav (1) mijenja se i glasi:

„(1) Na radna mjesta državnih službenika i lica koja nisu državni službenici iz članova 13. do 20. ove uredbe, mogu biti postavljena lica koja imaju završenu odgovarajuću visoku stručnu spremu, položen stručni ispit i radni staž u struci, i to:

- a) na radno mjesto rukovodioca samostalne uprave i upravne organizacije iz člana 19. ove uredbe – najmanje pet godina radnog staža,
- b) na radno mjesto rukovodioca uprave i upravne organizacije koja se nalazi u sastavu organa državne službe iz člana 20. ove uredbe – najmanje pet godina radnog staža,
- c) na radno mjesto rukovodioca stručne službe iz člana 13. ove uredbe – najmanje pet godina radnog staža,
- d) na radno mjesto sekretara organa državne službe iz člana 14. ove uredbe – najmanje pet godina radnog staža,
- e) na radno mjesto pomoćnika rukovodioca organa državne službe, glavnog inspektora i glavnog internog revizora iz članova 15., 16. i 17. ove uredbe – najmanje pet godina radnog staža,
- f) na radno mjesto šefa unutrašnje organizacione jedinice iz člana 18. ove uredbe – najmanje četiri godine radnog staža.

U stavu (2) tačka b) alineji 1) iza riječi “stručnog savjetnika” dodaje se zarez i sljedeći tekst: “internog revizora i inspektora”.

**Član 3.**

U članu 49. u stavu (1) tekst “osim glavnog inspektora i inspektora”, briše se.

**Član 4.**  
**(Odstupanje sa pozicije ili položaja)**

(1) Državni službenik i namještenik koji se nalazi na poziciji, položaju ili vrši djelatnost nespojivu sa pozicijom državnog službenika odnosno namještenika u skladu sa Zakonom o državnoj službi u Tuzlanskom kantonu, dužan je u roku od 30 dana od dana stupanja na snagu ove uredbe odstupiti sa pozicije ili položaja, odnosno prestati obavljati djelatnost nespojivu sa dužnostima državnog službenika odnosno namještenika.

(2) Rukovodilac organa državne službe će protiv lica koja ne postupe u skladu sa stavom (1) ovog člana pokrenuti disciplinski postupak.

**Član 5.**  
**(Stupanje na snagu uredbe)**

Ova uredba stupa na snagu danom donošenja i biće objavljena u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

Broj: 02/1-05 - 15318/17.  
Tuzla, 12.06.2017. godine

